

mill. paullo plus minus a mari in magno & excelso Monte. Multis Fluvii regio ipsa irrigatur. Præcipuus est *Zaire* è lacu *Zembre* ortus. Latitudo quibusdam locis est quinque milliarium: tantam autem aquarum vim in Oceanum Æthiopicum evolvit, ut x, atque interdum xvi milliariis servet dulcedinem. Adverso flumine ad v tantum Milliaria navigare licet: occurrentibus postea undis, magno impetu, quia è cataractis ruunt. In Fluminis Ostio Insulæ quædam sunt, quibus per Vicarios suos Rex Congi imperat. Lembi illic ex arbore Licondo capaces cc Hominum. Crococos capiunt, & Hippopotamos, & Piscem, quem ipsi *Ambize Angulo* vocant, quingentarum librarum, eximii saporis, quem sub pœna capitis Piscatores ad Regem deferre coguntur. Et quæ admodum Flumina Piscibus abundant, sicutiam Sinus & Maria. Et potissimum quibusdam Piscibus quos vocant *Sardinae* & *Anchioves*, quorum tanta copia est, ut hiberno tempore ultro in littus saliant. Sunt & alia genera Piscium delicatiorum, ut Accipenseris vulgo Sturiones, Mulli & hujusmodi: ac Cancrorum magna copia: adeo ut maxima pars adcolarum maris iis vivant. Non desunt Montes, inter quos altissimus Lusitanis, *La Sierra Complida*, hoc est, *Longus Mons*: *Mons Crystalli* sic dictus a magna copia Chrystalli quæ in eo reperitur: valde excelsus hic & incultus. Sunt & alii qui dicuntur *Sierras de Sol*, id est, *Montes Solis*, qui supra modum alti sunt. Alii item qui dicuntur *Montes Salivri*, quia in iis ingens hujus Mineralis vis: *Montes Cabambe*, ingentem Argenti vim proferentes, & alii: Incolæ & potissimum Bambæ proceri, robore corporis gladiatorio, vastis musculis: gestant grandes gladios, Heloeticis similes, quos a Lusitanis coemunt. Vno ictu vivum Hominem medium dissecare, aut Bovi vivo caput præscindere, Ludus est. Fuere qui vas Vino plenum cccxxv librarum brachiis suis gestarint. Monilia sibi necant ex caudis Elephantorum. Ex hac Provincia talium Virorum xli millia colliguntur ad militiam Regis Imperio, quoties id usus aut necessitas postulat.

G g g g

GVINEA